



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

Propinquior præparatio ad Missam,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

rum, sed omnes peccandi occasiones de vitaturum pro viribus, me insuper de noxis meis confessurum, & poenitentiam quancumque imponendam impleturum. Ad pleniorẽ Verò satisfactionem hodie tibi offero me ipsum, vitam meam, omnes labores meos, omnia denique interiora & exteriora mea. Et quemadmodum delictorum meorum veniam supplex efflagito, ita me eam impetraturum confido per infinitam misericordiam ac benignitatem tuam, per merita quoque pretiosissimi sanguinis, ac sanctissima Passionis, Te insuper daturum spero gratiam emendandi vitam meam, & in bono usque in finem perseverandi, intercedentibus pro me apud tuam clementiam Beata Maria semper Virgine Matre tua, & omnibus Sanctis tuis. Amen.

Propinquior preparatio ante Missam.

V. Sacerdos celebraturus, ex præscripto Missalis Romani non nihil Orationi vacare debet. Itaque sepositis omnibus, se intra se ipsum recipere conetur qua maxima poterit efficacia tria sequentia obcundo.

Puncta Considerationum ante Missam.

Primò, Præmissa consideratione
quod

quod quamvis quicquid unquam Sancti, imò omnis Angelorum ac cælitum multitudo facere potest, efficiat, debitè tamen tanto mysterio se præparare nequeat ; petat humiliter à Deo ut eo se disponat modo, quo gratiorem & acceptiorem immensæ suæ Majestati futurum cognoscit. Et quo influxui divinæ gratiæ, divinisque inspirationibus sit aptior hac ratione se humiliet : ex una parte intuenso quàm sit indignus tanto mysterio ; in vilitatis atque adeò nullitatis suæ abyssum se demergat, considerando quòd non solum ex nihilo nihil sit, verum etiam fons, & scaturigo peccati, esca inferni (à quo singulari Dei beneficio pretio est ereptus) imperfectionibus, negligentia, & corpore in bonis operibus nihil ex se nisi dissipator divinæ gratiæ remaneat.

Alia ex parte abyssum divini amoris penetret, per quem tam vili & abjecta creatura in re tam sublimi uti voluit, nimirum ad consecrandum, offerendum, & recipiendum Corpus & Sanguinem Jesu Christi Filii Dei viventis. Adnitatur ergo omnibus modis eum redamare, benedicere, eique gratias referre.

Secundò, Præmissa Consideratione quid facturus sit Sacrum Missæ officium celebrando, nimirum non solum representaturus, sed etiam rectè oblaturus Deo illud ipsum sacrificium, quod pro toto mundo Christus in Cruce obtulit: seipsum unà cum hoc incruento, vivum quodammodo Sacrificium & holocaustum conjungat cruento illi Sacrificio Passionis, preceaturque ex intimis cordis sui visceribus Christum Dominum, ut illo divino Amoris igne omnes suos defectus, imperfectiones; & peccata comburere atque consumere dignetur, qui eum impulit, & vitam pro nobis ponere, & acerbissimam mortem sustinere.

Tertiò, Omnem intentionem, quæ poterit maximo affectu, ad quatuor potissimum in celebratione quàm perfectissimè assequenda dirigit. Primò, Deo maximam quam potest & meretur ipse gloriam exhibere, in unum colligendo eam omnem quæ ipsi ab origine mundi data fuit, & quæ illi in æternum dabitur à sanctissima Christi humanitate, & Beatissima Virgine, totaque Curia cælesti, & cum hoc omne ad comparationem

nem

nem tam immensæ majestatis perexiguam sit, addat eam ipsam quam à seipso habet. Secundò, ut gratitudinis officio (quod erga Deum cum toto mundo nobis commune est) satisfaciat, offerat Deo Filium suum donum infinitum. Tertiò, Memoriam Passionis Christi in Missa multis modis repræsentatam, viva quadam mentis repræsentatione renovare contendat, Deo mortem Unigeniti Filii sui in satisfactionem mortis æternæ à toto humano genere persolvendæ offerendo. Quartò, virtute Sacrificiî hujus acceptabilis, toti Ecclesiæ, & multis particularibus negotiis & personis, quarum recordari decreverit, modo sequenti, auxiliari tenetur.

Primò, Capiti Christi coronato spinis, offerat summum Pontificem, cum omnibus Prælatis, & statu Ecclesiastico; & omnes Principes.

Secundò, Lateri Christi, sanctam Ecclesiam, quæ, ut sponsa, ab eo in Cruce egressa est.

Tertiò, Manui Christi dexteræ, offerat omnes benefactores & Amicos: & Sinistræ persecutores & malevolos.

Quartò, Pedit dextro, Commendatos
ex ob.

ex obligatione vel obedientia : Sinistro omnes qui sunt in peccato mortali.

Quintò, Cruci, omnes Religiones à sede Apostolica approbata.

Sextò, Flagellis sputis & alapis omnes Gentiles & Hæreticos , qui flagellant Christum.

Septimò, Siti quam passus est imprimis se ipsum : deinde illos qui sitiunt, & desiderant, ut Deum pro ipsis oret.

Octavò, Agoniæ & tristitiæ quas passus est in Horto, omnes personas in tribulatione constitutas , & calamitates tam publicas, quàm privatas.

Nondò, Morti Salvatoris, omnes defunctorum fidelium Animas.

In ipso Missa actu quid prestandum.

VI. Ipso Missæ tempore adlaborabit sacerdos. Primò, Quantum poterit ex iis quæ profert, aliquid profectus spiritualis haurire, atque vocem divinarum inspirationum audire, quando cumque illas perceperit. Secundò, in Memento non multum inhærebit recordationi diversarum rerum, sed cum eas ante Missam Deo obtulerit, nunc omnes in unum
colli-